

ONDORIOAK. Amaitu da Eusko Ikaskuntzaren XV. Biltzarra, orain artekoetan parte-hartze handiena izan duena



GARI GARIALDE

Eusko Ikaskuntzaren XV. Biltzarraren hasiera ekitaldia, joan den asteazkenean.

ANTOLAKETA

Bi urteotan egindako lanak emaitzak izan dituela esan zuen Eusko Ikaskuntzak, eta antolaketa ongi atera dela

sail bakoitzean ateratako ondorioak.

Jesus Altuna lehen saileko arduradunak kultur eta antropologi ondarea «gehiago» babestu beharra azaldu zuen.

Jose Manuel Castells historia, zuzenbidea eta geografiari buruzko sailaren ondorioak azaldu zituen, eta azpimarratu zuen Euskal Herriak oraindik ez duela bere tokia aurkitu Espainiako Estatuaren barruan.

Hirugarren saileko ardura-dun Koldo Unzetak demokrazia parte-hartzailearen alde hitz egin zuen, eta administrazioari horren aldeko urratsak egiteko eskatu zion.

Joxerra Garziak literatura eta antzez-arteak gai hartuta egin den laugarren sailaren ondorioak eman zituen. Bestek beste, kultur politika hitzartu bat behar dela adierazi zuen, gorabehera politikoen menpe egongo ez dena.

Montserrat Fornells bostgarren saileko buruak esan zuen Euskal Herrian egun arte plastikoen alorrean dagoen maila nazioartekoaren parean dagoela.

Alfredo Garcia Ramosek, jakintzaren gizartea oinarri izan duen seigarren saileko arduradunak, esan zuen etorkizunean enpresek pertsona izango dutela ardatz, eta bezeroa helburu.

Gizarte «zatiketa» gainditzeko Elk egin dezakeen lana aldarrikatu dute

700 kongresukide, 125 ponentziagile eta 11.000 internautak jarraitu dute XV. kongresua

I. Petxarroman | DONOSTIA

Eusko Ikaskuntzaren XV. Biltzarra atzo amaitu zen, eta antolatzaileek balantze baikorra egin zuten atzo egindako agerraldian. Xabier Alkorta Antolaketa Batzordeko lehendakariak kongresuan izandako parte-hartze handia azpimarratu zuen. Besteak beste, gogoratu zuen, 700 kongresukide eta 125 ponentziagilez gain, 11.000 in-

ternautak jarraitu dituztela kongresuaren nondik norakoak Internetez.

Hain zuzen ere, Eusko Ikaskuntzaren kongresuaren web orrian hiru egunean 30.000 bisita izan direla azaldu zuen, 11.000 bisitari inguru. Datu horrek erakusten du, Alkortaren irudiko, kongresuak nolako interesa piztu duen. Bisitak hainbat herrialdetik jaso dituztela gaineratu zuen.

Alkortarekin batera, kongresuan izan diren sei sailetako arduradunek esku hartu zuten ondorioen berri emateko agerraldian.

Alkortak azpimarratu zuen kongresua amaitu ostean balorazio positiboa egin dutela, eta bi urteotan egindako lanak behar bezalako emaitza izan duela. Ildo horretan, antolaketa ongi joan dela adierazi zuen.

Eusko Ikaskuntzaren garrantzia gizarte zatiketari aurre egiteko

Alkortak esan zuenez, XV. Biltzarra «aurrerapausoa» izan da bere lanaren alorrean, eta aldarrikatu zuen Eusko Ikaskuntzak egiteko garrantzitsua bete dezakeela euskal gizarteak duen zatiketa gainditzeko.

Balorazio orokorraren ostean, sei sailetako arduradunek banan-banan azaldu zituzten

EDUKIAK

Ondorioak sailez sail

Eusko Ikaskuntzaren XV. Biltzarreko sei sailetan ateratako ondorioen berri eman zituzten atzo Donostian egindako agerraldian. Ondoko lerroetan, ondorio nagusiak, sailez sail:

'ETORKIZUN BAT GURE IRAGANERAKO'.

«Euskal Herriko ondareak, beste herri batzuenak bezala, egungo bizimoduaren ekimenen aurrean —harrobiak, errepideak, basozaintzako lanak...— ez daude behar bezala babestuta. Ondareak zaindu eta gordetzea ez da nahikoa, ezagutu eta ezagutarazi egin behar da». Bestetik, ikastaro horretan aztertu duten beste ikergai baten arabera, «euskaldunek haien ahaidetzat jo dituzten herriekin —berbereek, Kaukasoko herriak...— esan baino lotura gutxiago dituzte».

'EUSKAL HERRIA EUROPA BERRIAN'.

«Euskal Herriak ez du lortu bere burua behar bezala kokatzea Espainiako Estatuaren barruan. Krisia foruak ezabatzearen ondorioz sortu zen, estatuak beharturik ezabatu baitziren foruak. Egun, herritar guztien eskubidea praktikan jarri ahal izateko konpromisoak hartu behar dira, epe luzerako egonkortasuna lortzeko. Europaren barruan, gainera, eskualdeen papera orain arte baino txikiagoa bihurtu daitekeelako arriskua nabaria da. Ildo horretan, Europaren barruan subiranotasuna banatu egin behar da Euro-

paren, estatuen eta nazio erkidegoen artean».

'GIZARTE ZIBILAREN AHOTSA EUSKAL HERRIAN'.

«Euskal gizarte zibilak munduan nagusi den ekonomia eta gizarte egitura kritikatzeko du; eta justizia sozialean, berdintasunean eta giza eskubideetan oinarritutako egitura ekonomiko eta sozial alternatiboa eskatzen du. Halaber, egungo ordezkarien bidezko demokrazia kritikatzeko du, eta parte-hartze handiagoa eskatzen du. Beharrezkoa da administrazioan aldaketa sakona gertatzea partaidetzan oinarritutako demokraziaren alde egiteko».

'LITERATURA ETA ANTZEZ-ARTEAK'.

«Politika kultural baten beharra dago, administrazioetan egon daitezkeen arduradunen gorabeherarik gabekoa. Bestetik, teknologia berriak erabiltzeko

premia dago, erabilpen horrek jardura bakoitzaren nortasuna galarazi gabe».

'ARTE PLASTIKOAK'.

«Arteak Euskal Herrian duen egoera ona nabarmendu du, nazioartean dagoen artearen kalitatearekin pareka daitekeena. Euskal Herrian artea garatzeko azpiegitura ugari daudela azpimarratu dute: unibertsitatean arte eta arkitektura fakultateak, Guggenheim museoa, Arteleku, erakusketa aretoak...».

'JAKINTZAREN GIZARTEA ETA EUSKAL HERRIA'.

«Jakintzaren gizartea da kalitatea, mugarik gabeko gizartea da, non irakaslerik gabe ikasten den, eta mugikortasun handirako aukera ematen duen. Horrek lehia handia dakar, eta presio psikologikoa. Etorkizuneko enpresak pertsona izango du ardatz eta bezeroa helburu».